



山谷先生年譜卷之二十七

元符元年戊寅

先生是歲在黔州是春以避外兄張向之嫌遷戎州

按國史紹聖四年三月知宗正丞張向提舉夔

州路常平十二月壬寅詔涪州別駕黔州安置

黃庭堅移戎州安置以避使者親嫌故也又按

國史先生本傳云貶涪州別駕黔州安置言者

猶以處善地爲屈法會避親遂移戎州又先生

作南園遁翁墓銘云庭堅以罪放黔中三年又

避親嫌遷置于戎州戎州今爲敘

三月先生離黔州

按任氏注云山谷有與楊明叔大字跋尾云紹

聖五年三月哉生明涪翁時遷于楚道治舟開
元寺江西之間楚道即戎

三月中到涪陵

先生有答黎晦叔遲書云承寄惠長韻詩去年
三月中到涪陵乃得之又四月乙未為涪陵蘭
大節作朋樂堂記與揚明泚跋皆尚稱五年蓋
改元在六月耳又先生有與韋子駿提刑主客
三月二十三日書云庭堅居黔中衣食之須粗
給既又故從一動百動所以少淹留此月半乃
得至涪陵又當為家弟少留云云又四月書云
區區西去多病所至能醫藥又為涪陵家弟
少留是以行李稽遲

五月戊午上荔枝

見先生書韓退之符讀書城南云紹聖五年五
月戊午上荔枝雖極熱云云

六月至戎州寓居南寺作槁木菴死灰寮後僦居 城南名任運堂

先生有與王觀復書云汴流在道三月又有瀘
州木龍巖題名云紹聖五年五月晦而所作章
明揚墓碣云元符之元夏六月明揚之子如堽
以書走戎州云云則是六月到戎州無疑又九
月八日答李長倩書云今寓居南寺乃當闌闔
中屋室差勝開元舊居但無復摩圍江山之勝
槁木菴見書遺道臻墨竹後與武老題云元符

三年三月戊州無等院涪翁借地所築槁木菴
中書任運堂見書劉禹錫浪淘沙九首跋云元
符二年四月甲戌戎州城南僦舍任運堂中書
其任運堂有銘云或見僦居之小堂名任運恐
好事者多以藉口余曰騰騰和尚歌云今日任
運騰騰明日騰騰任運蓋取諸此余已身如槁
木心如死灰但不除鬢髮一無能老比丘尚不
可耶

重九日遊無等院

志在自題名云元符始元重九日同僧在絕道
人唐履舉了蔡相張溥子相姪相步自無等院
登水門石息候同僧惟鳳修義居泰宗善
觀甘泉菴井回乃見東坡老人題字云此草下
人之不能去責授涪州別駕戎州安置黃夏堅
直書

送曹黔南口號

亦有致語載別集

與黔倅張茂宗

按蜀本詩集注云山谷初到黔南曹譜伯達張
熈茂宗為守貳待之頗厚山谷與張叔和書云
庭堅至黔南將一月矣曹守張倅相待如骨肉
又與楊明叔書云守倅皆京洛人好事尚文不
易得也今先生有與太主簿三十三書亦元太
守曹供備譜濟陽之姪通判張熈張景儉孫公

休之妻弟皆賢雅相顧如骨肉前篇載外集後
篇載別集因賈使君詩以先後之次附見

贈黔南賈使君

按蜀本詩集注云賈使君蓋與曹伯達為代者
未知此詩何時所作姑附于離黔之歲又別本
注云信臣家世有北園在臨峒山下氣象雄壯
花木茂密信臣賈使君字也

放目亭賦 并序

序云黔江居士為之賦故附于黔江之末

元符二年巳卯

先生走歲在重州

先生題一和東山王慶源紀帶詩云後十二

年觀此詩於戎州城南六公所讀吾猶昔人非

昔人也元祐三年黃魯直元符二年涪翁題又

有書簡公畫像贊後云元符二年壬戌楚道城

南僦舍中書劉禹錫浪淘沙竹枝歌楊柳詞跋

元符二年四月甲戌戎州城南僦舍任運堂中

書按蜀本詩集注云九月知命如成都至明年

二月還戎具山谷與知命書及谷司宗禹書又

與範長老書云知命顛倒屣足二月七日乃到

戎州今又以先生與李廣心主簿書攷之有云

知命到家不能三月復以舟載李慶韓十上成

都矣又有與弟姪書云知命將李慶韓十涪婢

粧奴往成都此但留牛郎并其乳母於此又云

去已兩月未有歸音

次韻兩絲雲鶴二首

按蜀本詩集注云蜀中舊本此詩序云代史夫
人和石信道按信道名諒時作瀘州江安令史
夫人蓋山谷外兄張稭子履之妻張祉介卿之
嫂絲菜贊所謂維女博士史君炎玉者也此詩
蓋在戎州所作山谷有答蘇大通書曰頃見外
无張子履家嫂具道才德之美又曰昨定嫂過
樊道云云此詩當是夫人與其子俱來乞子履
墓銘時也兩絲雲鶴皆春時景物宜見於今年
春山谷作子履墓銘葬以元符己卯之四月又
曰史夫人傳

此詩亦在戎州

按蜀本詩集注云當是今歲夏初所作元年夏

初未至戎州也此篇元二戎州詩也但次下倫

年山谷苦節賦云爽道苦節不允兩川

次韻謝老所畫橫竹

次韻謝老送墨竹十二韻

用前韻謝子所為予作風雨竹

再用前韻詠子舟所作竹

戲詠子舟畫兩竹兩鸛鶴

詠子舟小山叢竹

此篇元歲別集

次韻黃斌老晚游池亭二首

按蜀本詩集注云與黃試老唱和詩並因苦
筍篇附見當是同時所作池亭詩一詩為霜
殊未秋之句必今歲所作明年秋之二詩在
後詩成矣

次韻答試老病起獨游東園一首

又和二首

又答試老病愈遣悶二首

次韻試老冬至書懷示子舟篇末見及之作因以

贈子舟歸

戲題試老所作兩竹稍

奉次試老送瘦木碁局八韻

煎茶賦

苦筍賦

此三篇皆入蜀作

按蜀本石刻有苦筍賦跋云余生長江南里人

喜食苦筍試取而嘗之氣苦不可於鼻味苦不

可於舌故嘗屏之未始為客一設雅聞簡寂觀

有甜苦筍每過房山常不值其時無以信其說

及來黔中黔人冬掘苦筍萌於土中才一寸許

味如蜜蔗而春則不食唯楚道食苦筍四十餘

日出土又餘味猶甘苦相半覺班筍輩皆枯淡

少味蓋神農之所漏有莘庖聖所未達者耶故

作此賦以曉蜀人方苦筍時麩薑和鹽然茅火
中而薦之月食百數至老不可食而後已未嘗
能作病也

戲答史應之三首

按蜀本詩集注云應之名鑄蜀人客瀘戎間山
谷有應之真贊云江安食不足江陽酒有餘江
安屬瀘州漢江陽地也

筇竹

按蜀本詩集題作也足軒注云軒在簡州為師
範道人作山谷有與範帖云知命欲往成都者
藥市又云別作一篇竹軒頌似可觀已付密師
去可種竹於六以即用之是歲範公自簡州堂

成都六祖之請任注云範在簡州時山谷有種
竹頌往在江南住竹山道人兩歲三來訪云云
故今云別作一篇

題榮州祖元大師此君軒

按蜀本詩集注云山谷此詩跋元符二年閏月
初吉書贈榮州琴師祖元按是歲閏九月又有
一篇亦此韻見於外集今外集無之有兩篇載
別集者今各隨年月而附

戲用題元上人此君軒詩韻奉答周彥公起予之
作病眼昏花句不及律書不成字

此篇元載別集

答李任道謝分豆粥

各詩中有豆粥能祛晚瘴寒之句似是冬時所作
次韻任道雪中同游東臯之作

此篇元載別集詩書不為宅

元符三年庚辰

徽廟登極

先生是歲在戎州

先生有書韓愈送孟郊序與張大同跋元符三年正月丁酉甥雅州張大同治任將歸來乞書又云時涪翁自黔南遷于棘道三年矣寓舍在城南屠兒村側蓬藿柱宇黽黽同徑云云三月有洪析狀云責授涪州別駕戎州安置黃庭堅準戎州公文準提刑司牒節文勘會正月十三

日登極大赦州縣散官編管人等並仰逐處分

析聞奏請詳此勘會責授安置始末事因開坐

回示以憑照會依赦文分析開奏者牒檢會昨

於紹聖元年十一月內準朝旨

在開封府陳留縣聽候指揮至紹聖二年正月初八日授詔一

道左朝奉郎充集賢校理管句亳州明道宮雲

騎尉賜緋魚袋黃庭堅朕以眇末紹承聖緒又

懼不能發揚先帝成功盛德曩詔儒學之臣論

次大典於以章示至公傳信萬世明明在上其

可厚誣爾庭堅擢於諸生使預著作罔念朝廷

之屬任專懷朋黨之私恩依憑國書疵詆先烈

變亂故實輕徇愛憎奏編累年公罔朕聽逮究

厥實語多無蹤覽之瞿然靡自寧處得罪宗廟
朕何敢容古有常刑宜即誅殛尚茲屈法聊示
竄投服我寬恩無忘自訟可特責授涪州別駕
黔州安置勳賜如故到紹聖五年二月十八日
准尚書刑部符準勅中書省尚書省備到提舉
夔州路常平等事張向狀勘會黔州安置黃庭
堅係向亡母之妹子切慮合該迴避奉聖旨黃
庭堅移戎州安置所有責授安置始末事因開
坐詣實即無漏落謹具狀申戎州謹狀元符三
年三月日責授涪州別駕戎州安置黃庭堅狀
三月知命歸江南
先生與範長老書云知命留此兩月三月十二

五月復宣

五月復宣
先生與範長老書云知命不及到江南卒于荊州
知命先生
徵使君手書真蹟云庭堅五月五日被告復
義郎添驛鄂州監稅得不死於貶所又有俸祿
實已滿慰所望但已江漲未能下峽方欲拏舟
一至青神名張氏家姑乃漸治舟而東

五月戊寅賞鎖江荔枝

先生有題名云太守劉廣之率賓僚來賞鎖江
荔枝回來者廖珠致平張宗道原徐確天隱石
諒信道成節履中文闕少延禧慶崇闕南玉
元符三年五月戊寅黃庭堅魯直題柘枝頭荔

子一木四柯西南一柯獨肉厚而味甘又六月
丙子作張仲吉綠陰堂記云今蒙恩放還去此
有日矣

已卯追涼於安詔亭

按家藏先生書老杜詩真蹟跋云元符三年五
月已卯轉道尉汲南玉置酒荔枝陰中同盤者
廖致平石信道成履中史慶崇張晦叔楊中玉
黃魯直食罷追涼於安詔亭投壺弈象置涼榻
而臥南玉出天台紙紫滑宜書故書

七月泛舟往青神省見張氏姑

此按蜀本詩集注云山谷既被遷以江漲未能下
峽西且變

神山之姑張氏
神尉以七月二十一日解舟八月十一日抵

神其與介卿書今又以次虎跳題名石刻參
之其題云涪翁既作武昌鹽史會江漲不能下

次乃擊舟往青神省姑氏元符三年七月辛
次虎跳王顏叔泉起擊氣醜酒同之者廖養正

兄弟姪五人楊成孺祝有道道人慈元孫叔慈
泉起臨江作大樓閣舍西澗泉滅滅會于石渠

常作風雨聲久居城市至此令人忘歸它日於
竹成陰鑿坎種蓮乃盡之又有草李朝八分小

篆歌跋云元符三年七月二十三日余將至
衣云云

八月戊午與楊鞞祝林宗上巖寺

九月甲子與外弟張祉介卿赴蒲志同泰亨中巖

之約乙丑介卿及其兄姪邀黃茗于玉泉

常並見游巖行記

十月準告復奉議郎簽書定國軍節度判官廳公

事

十一月自青神復還戎州

按蜀本詩集注云山谷與嘉州至樂山王子原

丁一月二十日書云到家悲苦滿懷孟知命歸

江南死於難非當是以州訃音也

十二月發戎州

按蜀本詩集注云十二月發戎州過江安烏石

信道揀留遂作歲於此道時為江安令已見

前注信道眉州人家於江津女嫁山谷之子是

歲十二月成親今以先生有書丹青引後攷之

其書云十二月癸卯余時解舟發揀道人有跋

所書梁甫吟後云元符三年十二月癸卯將發

戎州舟人湯豬賽武侯久之不還艤船鎖江亭

下書山谷道人時聞復朝請郎知舒州而來被

受是日天大寒留滯追送之客并許人在江許

又有題東坡大字云元符三年十二月甲辰夕

天下雪而大寒呼酒解指券乃能書此則解舟

當在甲辰之後

贈知命弟離戎州

姪招隨知命舟行

十四弟歸洪州賦莫如兄弟四首

此詩年月不可考然有歸掃松楸下洒我萬里涕之句必蜀中作元載外集今附于此十四弟即天民

次韻奉荅少激紀贈二首

按蜀本詩集注云少激名抗臨邛人時為戎州幕官子嘗見其家山谷諸詩真蹟因後篇附見

次韻文少激判官祈雨有感

按蜀本詩集注云此詩真本云伏承少激惠示夏月祈雨有感之詩末句云愛民天子似仁時

李任道晚飲

詩中有西來雪衣句當是初夏所作

次韻兼簡復中南玉三首

次韻任道食荔枝有感三首

元符三年五月戊寅太守劉廣之率賓僚來

實鎖江荔枝山谷與姪樸書云初到戎彭道盡

作守甚有親親之意道微既去劉滋崇儀作

云云此詩當時所作詩有六年悒悒荔枝紅

之句蓋自紹聖二年乙亥入蜀至元符三年庚

辰凡六見荔枝今已載鎖江題名在前注

以虎臂杖送李任道二首

以虎臂杖送李任道二首

此篇元載別集二首

廖致平送綠荔枝為戎州第一王公權荔枝綠酒

亦為戎州第一

謝楊履道送銀茄四首

以時序為次之意

送石長卿太學秋補與致對書

詩中有漢文新覽天下圖謂

徽考初立山谷有試張通筆帖云戎州城南麓

舍中眉山石長卿觀書

次韻少激甘露降太守居桃葉上

詩語皆及

徽考新政當是秋時所作

青神縣尉廳葺城頭舊屋作借景亭下聯文家園

水竹終日寂然了無人迹又當大木綠陰之間

戲作長句奉呈信孺明府介卿少府

按蜀本詩集注云八月在青神尉廳作尉即

張祖介卿也社父間雅州人娶山谷之姑卒

嘗大常卿見山谷所作張子履墓誌

戲贈家安國

安國眉山人字復禮

次韻楊君全送酒長句

次韻君全送赤花

謝楊景山承事送惠酒器

按蜀本詩集注云君全名謙景山名昂皆青神

山谷有守巖題字云元符三年九月己巳王
應元子攜酒帥楊君全景山酌張子謙介鄉黃魯
大德於慈姥大東堂此詩蓋是時所作故有秋
大謝林花才眼之句綠花及酒當是重陽所送春
花言其象春時之花耳

應之送春花

按蜀詩集作史彦昇送春花附楊君全送
後注有千林搖落照秋空之句

題石恪畫嘗醋翁

題石恪畫機織圖

此篇元載別集無人極又言大木機織之間

謝應之

按蜀本詩集注云即史應之也往歲見山谷於
戎嘗以詩戲之此篇當是應之自引來青神
見山谷敘述往事故有去年席上蛟龍語未委
先生記得無之句山谷在青神有與眉山程信
無佔應之在館時接從容賓主相樂也是歲來
眉山山可知

走筆謝王朴居士拄杖

按蜀本詩集云王朴字子厚隱居嘉州至樂山
此詩當是自青神回舟經涂所作詩有六年流
落放歸時之語

戲荅王居七送文石

楊明叔從子學問甚有成當路無知音求為瀘州

從事而不能得尋蒙恩東歸用蛟龍得雲雨鷓鴣
在秋天作十詩見餞因用其韻以別

按蜀本詩集注云按實錄元符三年十一月癸
亥朔黃庭堅詩寄州詩有老作同安字之句同
安即舒州也

次韻石七三六言七首

詩云老境五十六翁又云欲行水繞山圍蓋元
符三年將出蜀所作石七三當是石信道家

以皮鞵底贈石推官二首

其篇元載別集已見石刻

山谷先生年譜卷之二十八

山谷先生年譜卷之二十八

建中靖國元年辛巳

先生是歲正月解州江安

先生有書和晁無咎詩與斌老跋云元符三年

十二月余嘗發戎州於百忙中為斌老書此卷

建中靖國元年正月遣小使持此來追余於江

安縣云云文有瀘州中堤葛氏竹林留題云江

南黃庭堅自夔道蒙恩放還元符三年十月道

出江安江安宰石信道以親親見留作歲及作

瀘州開福寺彌勒殿銘跋云建中靖國元年正

月乙亥清輝閣前舟中書及有題所書魏鄭公

砥柱銘後云建中靖國元年正月庚寅繫舟王

市山谷老人燭下書

正月晦與合江令尹白宗愈原道汎安樂溪

見游廬州合江縣安樂山行記

二月辛酉與太守高仲本游西山南浦庚寅游三

游洞

見南浦行記并題三游洞石刻

三月至峽準告復奉議郎權知舒州

四月至荆南又準尚書省劄子已降告命除吏部

員外郎乘遞馬發來赴闕

先生有書東坡思舊賦題跋云建中靖國元年

四月乙未早發峽州舟中書及題東坡字云建

中靖國元年五月乙巳觀於沙市舟中先生既

病入差遣遂寓家荆南有跋匹紙云十月戊子荆

州沙市舟中

六月二十三日準尚書省劄子奉聖旨不許辭免

已除吏部之命

見辭免狀載文集先生於是再具辭免并述前

狀嘗乞太平州無為軍一處及以亡弟哀憐伏

暑傷冷併作羸疾乞除江湖合入差遣一向遂

留荆南待命以至度歲

元師自崇州來追送余於廬之江安綿水驛因復

月舊所賦此君軒詩韻贈之并簡元師從弟周

公

公

公按此詩跋云余舊得東坡所作醉翁操善本嘗
目對元道之示欣然曰往歲從成都通判陳君頎
示得其譜遂依琴彈之詞與声色相得也蜀人由
是有醉翁操然詞中之微旨弦外之餘韻俗指
塵耳豈易得之建中靖國元年正月辛未江安
水次偶住享書此篇元載別集

萬州太守高仲本宿約遊岑公洞而夜雨連明戲
作二首

萬州之下巖唐末有劉道者定州無極人間道於
雲居膺律師為開巖第一祖法號道微自鑿石龕
曰死題詩不可勝用日時門人奉其令二百年來
遊者便藏龕中不與先志絕則壽長予作二

篇表見之其一用楊子安韻其一用王定國韻

又戲題下巖

萬州下巖

此篇即用楊子安韻載文集五卷今附于此

戲題巫山縣用杜子美韻

詩中有江陵換袂衣之句

和王觀復洪駒父謁陳無已長句

按蜀本詩集注云王審字觀復沂公之裔官閩
中時多以書尺至戎州從山谷問學至是自京
師改官復入蜀會山谷于荊州時山谷病癱初
愈答觀復簡云臥病二十餘日幾死者數矣忽
奉手誨歡喜如從天上落也陳無已元符三年

冬為秘書省正字故此詩有集賢學士見一角
之語

跋于瞻和陶詩

元生有真蹟石刻題云建中靖國元年四月在
荆州承天寺觀此詩歎息彌日作小詩題其
味復又于瞻調嶺南意辛介載人作淵明千載人
氣味乃相似作風味乃相似蜀本載之崇寧元
年

次韻

開考名友 荆州南蓋先生族伯父晦甫侍御

各體名友 荆州南蓋先生族伯父晦甫侍御

以峽州酒題 繼前韻

謝監冬四弟送石屏

頽徒負樂二首

頽徒名友 荆州南蓋先生族伯父晦甫侍御

次韻答黃與迪

次前韻謝與迪惠作竹五幅

戲答王觀復醉醪菊二首

戲答王子予送凌風翁二首

四篇以詩序為次子予時僑寓荆州

謝王子予送橄欖

以椰子小冠送子予

呈揚康國

又戲呈康國

二詩守言此未熟

次韻馬荆州

詩中有萊糝菊同送秋之句

和中玉使君

徽廟以十月十日誕降為天寧節開啓蓋九月

十日

入窮巷謁李材叟翹叟戲贈兼簡田子平三首

詩中有紫冠黃鈿網絲窠之句

戲簡朱公武劉邦直田子平五首

朱劉田中詩句

田子平六言二首

此篇元載外集詩中有荆州衣冠千戶厚意獨

大有日郎之句

戲贈米元章二首

按蜀本詩集注云米芾字元章為發運司屬官

在江淮開建中靖國之秋東坡北還常有手帖

與之此詩以亦當時所作蓋詩中有滄江書畫

船之句今附見

次韻錢德循麻苑灘蟻舟有作

詩中有已聽荆州漁鼓為之句

此篇元載別集

病起荆江亭即事十首

詩中有

大聖天子初元年及西風吹淚古藤州之句又
是歲七月東坡卒于常州而此詩猶未及之當
大是初秋所作

荆州即事藥名詩八首

以古銅壺送王觀復

鄒松滋寄苦竹泉張翹蓮子湯三首

松滋隸荆南詩中有新收千百秒蓮的之句

次韻荅馬中玉三首

次韻中玉梅三首

次韻中玉水仙花二首

王克道送水仙花五寸枝欣然會心為之作謔

吳君送水仙花并二大本

劉邦直送早梅水仙花三首

劉邦直送水仙花

謝檀敦信送柑子

贈李輔聖

和高仲本喜相見

詩中有雪滿荆州喜無逢之句

歲詠暖足餅二首

以詩飲為次

戲呈聞善二兄

謝荅聞善二兄九絕句

營乾道之末隨侍先人官荊州時見族伯祖晦
肅侍御位族伯父仲茂名繼仲貴嘗言先生既
與侍御位諸子為昆弟視焉善然亦聞善飲酒
山谷詩篇中多形勸戒曰善每飲酒至醉往往
坐不肯起一夕起如家柳氏夜集亦飲聞善復
善聞之善甚亟造其榻內直抵懷下聞善病酒
疾尋常旁坐者亦病之聞善即以此兩手繫篋中
亦氏子弟中真有意欲毀之者坐客勸曰酒已
深矣曷嘗使之盡飲可乎柳氏此恐也笑不允
取酒酌之聞善大喜飲盡醉而去致先生之
中亦年七十然樂用此酒也

句蓋紀一時之實耳又先生有書贈聞善飲酒
詩後云往時族中多營於酒二十年間兩還故
里見子弟皆恂恂憂讓醉而溫恭中竊自喜黃
氏諸子之遺慶深長諸少年尚承其風澤時有
興發者耶因子立乞書書元詩可與族中觀知
酒之利病如此

戲呈聞善

題子瞻畫竹石

按蜀本詩集注云舊題云題全天粹所收子瞻
竹石天粹名壁山谷在荊州時有與天粹帖又
有字說云全壁長林人長林屬荆門軍此詩當
附見於荊州詩中

次韻向和卿行松滋縣與鄒天錫夜語南極亭二

首詩中有提壺及思歸樂之句

詩中有提壺及思歸樂之句

木龜亭留題

題羅公山古柏菴二首

詩中有會向天階乞衰晚之句二詩未詳地名

恐是蜀中或湖外所作今附于此並元載別集

山谷先生年譜卷之二十八

山谷先生年譜卷之二十九

崇寧元年壬午

先生是歲在荆南

先生有正月與子由書云三兩日即拏舟下巴

陵出陸至雙井六日耳遂由雙井往萍鄉省伯

氏元明

正月二十三日發荊州二十六日至巴陵

先生與天民嗣文二弟書云老夫正月二十三

日發荊州又有手書雨中登岳陽樓望君山二

詩跋云崇寧之元正月二十三夜發荊州二十

六日至巴陵數日陰雨不可出二月朔旦獨上

岳陽樓太守楊器之監郡黃彥并來率同游君

山行二十里螺蚌中乃至見住持僧年八十跋
曳而出登其絕頂環望積水數百里實壯觀也
有野馬二十餘羣游平澤中猿猴輩出上下松
楠間景氣甚野

二月初六日至通城

亦具所與天民祠文書老夫今日至通城之法
興道中幸健即相見悲喜相半今遣王清走報
黃龍脩上各不過住二日耳書末題二月初六

二月己卯寓萬載廣慧道場

先生有跋陳甘休所收舊字云崇寧元年三月
己卯自分寧來宿萬載之廣慧道場按長曆已

卯蓋二十四日

四月乙酉到萍鄉

按萍鄉壁記云抗荆江略洞庭涉脩水經七十
二渡出萬載宜春來省伯氏于萍鄉來以崇寧
元年四月乙酉去以是月之己亥乙酉蓋四月
朔又己丑飯于萍鄉護法院見書船子和尚歌
後

是月丁未登吳叔元秀江亭

亭在新喻有題名石刻云朝奉郎新當涂假守
黃庭堅崇寧元年四月丁未來訪叔元晚登秀
江亭澄波古木使人得意於塵垢之外蓋入閑
景幽兩奇絕耳

五月一日過筠州

先生有與七兄長官書云庭堅到臨江及筠以親舊皆留兩日筠亦以張元微凍着不欲拖拽之道幸夜采已安今早遂行書末題五月初一日又批云初一日五鼓玄字又有題胡氏所憩亭壁云山谷老人稅駕而飯嘉作亭之意為書此榜崇寧之元五月之吉實乙卯黃庭堅云

是月到江州十七日猶在展畫亭

按西林寺題壁云黃庭堅弟叔豹姪柄子相及朱意劉義仲李彭同采擔承禪師塑像觀碑陰題會公題字愛碧繁流泉凌厲暑氣衰回不能

堅自江西來會王宰朱章道士湯居善周虛已於此堂觀四山急雨草木皆成聲崇寧元年五月甲子時發東林又有雲巖海公院宰書其末題五月十七日江州展畫亭及息心名跋云崇寧元年五月十七日江州展畫亭又有草書跋云崇寧元年五月十七日溢浦展畫亭睡竟為道淳上座作草以滌餘困其暫留江州蓋待嗣文節推弟般家同赴任具先生與洪龜父書云四卜及新婦在荆南已遣十六節推弟往取船來會江州矣嗣文名叔豹弟十六蓋給事長子二十日過湖口

見先生追和東坡壺中九華詩注

是月繫舟於大雲倉之達觀臺下

先生有手書奉題伯時所作陽關圖跋云元祐初作此詩題伯時所作陽關圖崇寧元年五月見此草於趙升叔家殊妙於定本升叔伯時婿也時俱繫舟於大雲倉之達觀臺下

六月初九日領太平州事九日而罷

按國史崇寧元年五月庚午司馬光而下四十四人追奪降黜有差孔平仲畢仲游徐常黃庭堅晁補之韓岐王鞏劉當時常安民黃隱張保源並送吏部與合入差遣仍令吏部依條差注施行詔在乙亥先生有與徐師川書云老舅六月九日領太平事十七日奉朝旨送吏部即日

解船至江口以嗣文同行遂為遠別亦大風不可行留連方欲決去會駒父奉其大母來又為之留七日閏月十一日分手亦衝東風至蕪湖矣又按于湖居士張公孝祥作高侍郎夫人王氏墓誌載侍郎諱衛及與元祐諸公游嘉言懿行太夫人悉能記之侍郎為太平州判官攝州事山谷來為守謫久貧甚既入境矣復坐黨事不待郎得堂帖不以告迎候如礼山谷既視印已乃知之侍郎為治歸裝甚飭備過於父所事觀此則冷齋夜話所稱徐師川言予於東坡山谷瑩中三君子俱知敬畏然其疵瑕予能笑之謂東坡欲學長生瑩中對日者談命山谷赴官

姑熟聞罷而俯就其說之妄益可見矣

七月甲午復繫舟達觀臺下

先生有跋草書後云崇寧元年七月甲午繫舟

達觀臺下待舒城音問朝涼戲作此卷

八月至江州

先生罷大平後襄回於江州將復過荆南謀居

然竟留于鄂州亦見徐師川書云將家到荆南

謀居云云詳見後注又先生有跋自書東坡乳

泉賦云紫極宮道士胡洞微明之少入道於房

山康王觀嘗從谷趨事余伯祖父寶之寶之人

少名茂先故在時江淮之間詩云江南黃

真且余喜甚相從忽忘日暮也東坡公所作乳

泉賦數百年之文章也明之又好東坡故書道

之可深藏以待識者崇寧元年八月己未泊舟

琵琶亭西書又先生有跋登江州百花亭詩云

崇寧元年八月壬戌來集斯亭己未蓋初七日

九月至鄂州

先生有跋元祐間與三姪太君帖云崇寧元年

九月甲申繫舟繁口庭堅題甲申蓋十二日

次韻荅高子勉十首

高荷字子勉荊州人而此詩有春從細草回之

句當是春初所作

贈高子勉四首

再用前韻贈子勉四首

詩中有鳥語花中管弦之句春稍動矣

荆南簽判向和卿用子六言見惠次韻奉酬四首

蟻蝶圖

謝人送栗鼠尾畫維摩二首

戲荅荊州王充道烹茶四首

已上當是未離荊州所作

雨中登岳陽樓望君山二首

此詩有跋已具前注

自巴陵略平江臨湘入通城無日不雨至黃龍奉

謁清禪師繼而晚晴邂逅禪客戴道純款語作長

句呈道純

此詩元載外集其間詩中有流落來從錦上州

之句且多言鄉里景物故附于此

題徐氏書院

徐氏即徐禧德占

題胡逸老致虛菴

題蓮花寺

衝雨向萬載道中得逍遙觀遂託宿戲題

此詩往萍鄉時所作萬載屬袁州

題竹尊者軒

送密老住五峯

按蜀本詩集注云山谷有為密公作草書跋尾
云元年三月壬午旅寓宜春之開元飯崇勝密
公之堂即此僧也壬午蓋刊十七日宜春屬袁
州

新喻道中寄元明用觴字韻

此詩自萍鄉歸涂所作新喻屬臨江軍

次韻子瞻和太白潯陽紫極宮感秋詩韻

追懷子瞻太白

龜殼軒

秋聲軒

三篇皆紫極宮所作

瀟溪詩

按瀟溪先生故居去江州城不數里溪在故居
今附于此見載文集

戲効禪月作遠公詠

按蜀本詩集注云遠公道場即今江州廬山東
林寺是歲八月庚申山谷有東林題名此詩當
是同時所作庚申蓋初八日

湖口人李正臣蓄異石九峯東坡先生名曰壺中
九華并為作詩後八年自海外歸過湖口石已為

好事者所取乃和前篇以為笑實建中靖國元年
四月十六日明年當崇寧之元五月二十日庭堅
繫舟湖口李正臣持此詩來石既不可復見東坡
亦下世矣感歎不足因次前韻
書郭功甫家屏上東坡所作竹
按家藏先生此詩真蹟題云次韻東坡先生屏
間墨竹止此六句但草不春作草偃風一暮終
新玉句作一壺瓊房第幾間作琳房并有功甫跋
語云東坡作於予家漆屏之上觀魯直之詩可
以見其髣髴矣功甫蓋太平州人

太平州作二首

按家藏先生真蹟前一首題云感作觀翠綠句

奉呈功甫元又片片梨花雨作細點梨花雨

許真三篇元載外集

罷姑熟寄元明用觴字韻

武昌松風閣

按蜀本詩集注云此詩經涂所作今尺牘中有
跋與李德叟書云崇寧元年九月甲申繫舟繁
日題時張文潛再謫黃州猶未至也故詩有張
侯何時到眼前之句今按國史崇寧元年七月
庚戌主管亳州明道宮張耒責授房州別駕黃
州安置而文潛謝表云已於九月三日到黃州
公參訖

次韻文潛

和文潛舟中所題

按蜀本詩集注云二詩並次前篇時文潛已到
黃山谷自鄂往見之前詩中有風雪牖戶勤寒
亦向之句蓋冬深所作

題君子泉

泉在黃州

宿黃州觀音院鍾樓上

按蜀本詩集注云元在次韻文潛後許有潘何
之語今遷於此為後詩張本

謝何十三送蟹

按蜀本詩集注云何十三嘗是何頴之弟或
其弟兄頴之蓋黃州人

水集者亦附見其一又借答送蟹韻并戲小何

十云草泥木自行郭索玉人為開桃李顏恐似曹

滿說雞肋不比東阿舉肉山其二代二整解嘲

云仙儒昔日卷龜殼蛤蜊自可洗愁顏不比二

整風味好那堪把酒對西山其三又借前韻并

意云招潮瘦惡無求味海鏡纖毫只強顏想見

霜臍當大嚼夢回雪壓摩圍山今豫章集皆不

載今併附見何十三名觀

次韻文潛立春日三絕句

再次前韻

按蜀本詩集注云按長曆是歲十二月二十一
日立春明年春時山谷已歸鄂故詩中有已發

黃州首更回之句

崇寧二年癸未

先生是歲留鄂州

先生有四月二十一日與張叔和通判書云庭
堅罷太平即寓鄂渚會范德儒謫來即謀居漢
陽繼而安厚卿來遂營居九江將登舟矣德孺
宿以散官安置衆議以為自下礙責降充宮觀人
不得同州指揮遂定居耳按國史正月己酉范
純粹常州別駕鄂州安置是時先生已管句洪
州玉隆宮

十一月有宜州謫命

按國史先生本傳庭堅在河北與趙挺之

怨挺之執政轉運判官陳舉承

所作承天塔記指為幸災復

留昔聞荆州旗伯父仲實嘗

識先生備聞諸父聞善益修

當時之事筆記甚詳仲實有

先生初自蜀出缺留荆州待

與府帥馬城忠玉相從歡甚

察出為轉運判官先生未嘗

寺僧智珠造七級浮圖乞記

成忠玉飯諸部使者於浮圖

碑先生於碑尾但云作記者

州事豫章黃庭堅立石者承

平馬城而已舉與轉運判官李植提舉常平
林虞相顧遠請於前曰某等願記名不朽可
乎先生不答舉由此憾之舉知先生昔在河
北與趙挺之有然挺之執政遂以墨本走介
獻于朝廷謂幸災謗國先生遂除名羈置宜
州忠玉亦以辰州徭賊寇邊監察御史席震
繼而劾之奪官羈置海州遂俱沒于貶所嗚
呼其亦不幸甚矣其後不踰年挺之去位而
舉因指青蟲為龍物奏為祥瑞遂坐欺罔誠
足以為小人陷君子之戒今併附見

十二月十九日夜中發鄂渚曉泊漢陽親舊追送

防蜀本詩集注云是歲山谷在鄂州既而謫宜

舟十二月十九日發鄂渚至岳陽作歲而所然
乙丑趙洞庭內寅渡青草之句謂是明年二月
二十一日二十二日今以先生跋苦寒吟攷之
其跋云開封張德潤號為有急難之義子晚諫
之於長沙名不虛得也泊船驛步門寺德潤宮
廡相近時七相過奔走于新闕如有人挽其前
推其後也它日持此卷來乞書會舟于作歲除
未能行舟中無它錄偶得意書盡崇寧二年十
二月晦此真蹟見藏晉陵尤氏既歲暮到長沙
則過洞庭青草當在此月二十以後不應在岳
陽作歲若以國史考之十二月丙寅為二十一
日雖注引先生與人帖云庭堅治行已有緒既

嫁女別無一事移舟漢陽留數日待親戚之在
旁近耳此帖不泮月日今秘館中有先生遺文
內有此書乃是方文奉書其書尾云十一月二
十七日自二十七日推之恐鄂州必無兩旬之
留亦或十九日傳寫之誤或是初九日亦未可
知先生舟行往往不令晝夜此既夜發鄂渚而
先離荊州亦是二十三夜已載手書君山詩跋
兼先生次年有與李樂道書云十一月末不肯
蒙恩活之宜州即發船過漢陽軍或是先欲晉
漢陽數日足到長沙况當時士勢不應聞命之
後留兩月慶歲又先生有在思大師題名乃崇
寧二年正月甲辰甲辰為正月晦思大師道場

在衡山福嚴寺

崇寧二年二月丙寅備才黃庭堅書法輪在南昌
見有石刻詳見後注則非一月兩宿過青草湖
矣

崇寧二年正月己丑夢東坡先生於寒溪西山之
間子誦寄元明禱字韻詩數篇東坡笑曰公詩更
進於曩時因和子一篇語意清奇予擊節賞數東
坡亦自喜於九曲嶺道中連誦數過遂得之

己丑蓋九日公與二公書

病來十日不舉酒二首

詩中有回施青春與世生之句當是春時所作

題小景扇

鄂州南樓書事四首

詩中有我赤來追五月涼之句山谷在鄂州作
夏惟此年耳

南樓畫閣觀方公悅二小詩戲次韻

庭堅以去歲九月至鄂州登南樓歎其制作之美
成長句久欲寄遠因循至今書呈公悅

養鬪雞

和涼軒二首

以時序為次詩有西風之語

題默軒和遵老

題楊道人默軒

此篇元載外集

次韻文安國記夢

寄賀方回

鄂州節推陳榮緒惠示松檟崇陽道中六詩老嫻
不能追韻輒自取韻奉和

題龍寺

山中聞松聲

秋山行懷子與節判

五蓮落嶺深若澤知味

崇陽道中

送教成學行

示簡

高顯三首

山谷先生年譜卷之三十

崇寧二年癸未

德孺五丈和之字詩韻難而愈工輒復和成可發一笑

按蜀本詩集云按實錄崇寧元年十月管句南

京鴻慶宮范純粹鄂州居住二年又責常州別

駕鄂州安置

次韻德孺五丈新居病起

次韻德孺五丈感興二首

次韻德孺五丈惠貺秋字之句

范德孺需筆哀諸工佳者共成十枝分送

此篇元載別集

求范子默染鴉青紙二首

子默德孺之子

謝榮緒惠貺鮮鯽

謝榮緒割一見貽二首

具執中有兩鵝為余烹之戲贈

秋冬之間鄂渚絕市無蟹今日偶得數枚吐沫相

濡乃可憫笑戲成小詩三首

以題中時序為次

審子興追和予岳陽樓詩復次韻二首

和審子興白鹿寺

謝人惠猫兒頭筍

山谷去詩事在鶴洲前人未知之也蓋謂未雜茶

特

以兩篇愛江清作五小詩寄廖明略學士兼簡

和簿

詩中有將發沔鄂間之句

四休居士詩三首

十二月十九日夜中發鄂渚曉泊漢陽親舊攜酒

追送聊為短句

次韻陳榮緒同倚鍾樓晚望別後明日見寄之作

詩中有青草枯松之句皆岳州事蓋榮緒送山

首谷至岳尚未過湖也

過洞庭青草湖

過土山寨

按南行錄湖中有土山巡檢去黃陵廟十五里
晚泊長沙示秦處度范元實用寄明略和父韻五
首

長沙即潭州在洞庭之南

次韻元實病目

右自洞庭青草湖至此詩蜀本載於明年今移
附于此

題李亮功家周昉畫美人琴阮圖

按高子初記龍眠李亮功家藏周昉畫美人琴
阮圖兼有宮禁氣象旁有竹馬小兒欲折檻前
柳者亮功官長沙而山谷謫宜州過見之歎愛
即日大書一詩於黃素上云云亮功名寅

題李亮功家周昉畫美人琴阮圖

三詩
五後
李亮功家藏周昉畫美人琴阮圖

次韻元實病目

再和寄益六

寄懷益六在延平

三詩
猶能
子為
文安國

文安國說詞一首

因前篇有記事詩故附于此

史天林中散挽詞

宋夫人挽詞

此二篇元載別集

崇寧三年甲申

先生是歲自潭州歷衡州永州全州靜江府梧州以

趨貶所

正月晦過衡山

先生有孔福嚴寺思大師題名云正月甲辰按

長曆甲辰盡晦日

三月己卯泊潯溪

三月己卯風雨潯溪按

三月己卯初六日

十四日到永州

先生有與李樂道書云三月十四日到零陵不

肯本欲寄家桂林而家不堅欲往隨到之所至

零陵已大熱骨肉不可復將行因盡字留

零陵即永州

四月發全州是夏至宜州

先生有跋自書懶瓚和尚云後云四月辛未余

將發清湘矣楊唐老乞書大暑天兩體煩眼花

書不成字無後注李資深書卷跋則是先生至

宜在五月六月之間

十一月甲戌遷居子城南

先生跋資深書卷云崇寧三年十一月余謫處
宜州半載矣官司謂余不當居閑城中乃以是
月甲戌抱被入宿于城南予所僦舍喧寂齋雖
上兩磅風無有蓋障市声喧憤人以為不堪其
憂余以為家本農桑使不從進士則田中廬舍
如是又可不堪其憂耶既設臥榻焚香而坐由
西隣屠牛之机相直為資深書此卷實用三錢
買雞毛筆書

十二月二十七日伯氏元明自永與唐次公俱來
先生乙酉家乘云正月庚午朔元明自永州與
唐次公俱來居四日矣家乘蓋先生日記按范
信中有乙酉家乘序云崇寧二年秋余客建康

聞山谷先生謫居巖表愚不識之遂泝大江歷
滄浦舍舟於洞庭取道荆湘以趨八桂至乙酉
三月十四日始達宜州寓宿崇寧寺翌日謁先
生於僦舍望之真謫仙人也於是忘其道塗之
勞亦不知瘴癘之可畏耳自此日奉杖屨至五
月七日同徙居於南樓園棊誦書對榻夜語舉
酒浩歌跬步不相舍凡賓客往來親舊書信晦
明寒暑出入起居先生皆親筆以記其事名之
曰乙酉家乘而其字畫持妙嘗謂余他日北歸
當以此奉遺至九月先生忽以疾不起子弟無
一人在側獨余為經理其後事及蓋棺於南樓
之上方悲慟不能已所謂家乘者倉卒為人持

云至人思之以為恨也紹興癸丑五歲有故人忽
錄以見寄不謂此書尚爾無恙耶讀之恍然幾
如隔世因鐫板以傳道人事亦可以見先生雖
遷謫處憂患而未嘗戚戚也視韓退之柳子厚
有間矣東坡云御風騎氣與造物游信不虛語
我甲寅四月望日蜀郡范寥信中序

長沙留別

勝業寺枕亭

按南行錄勝業寺在南嶽嶺東屬潭州衡山縣
有柳子厚殿舟楫尚存

按南行錄福嚴在南嶽休庵架空為之蓋思公
道場有三生塔亦屬衡山縣
贈益陽成之主簿并引

引中云予之竄嶺南道出新陽見主簿

黃成之問宗泐乃同世出祖兄也

此篇元載別集
花光仲仁出蘇秦詩卷思兩國士不可復見開卷
絕歎因花光為我作梅數枝及畫煙外遠山追少
游韻記卷末

花光寺在衡州經涂所作

題花光畫

題花光畫山水

所住堂

題高節亭邊山巖花二首并引

贈花光老

題花光為曾公卷作水邊梅

二篇元載外集

贈惠洪

詩中有眼橫湘水暮之句

贈惠洪

此篇載外集曾端伯謂非先生所作玉父亦嘗

刪去漫附于此

戲詠零陵李宗古居士家馴鷓鴣二首

零陵即永州經涂所作

李宗古出示謝李道人茗帚杖從將老回乞葬地

二頌作二詩奉呈

書磨崖碑後

按先生有真蹟石刻題云崇寧三年己卯風雨

太中來泊浯溪進士陶豫李格僧伯新道遵同至

聖中興頌崖下明日居士將大年石君豫大醫成

權及其姪逸曾守能志觀德清義明崇廣俱來

又明日蕭裒及其弟襲來三日襲回崖次請予

賦詩老矣豈復能文強作數語措泰少游下世

不得此妙墨刻之崖石耳又按王仲言揮塵後

錄云崇寧三年太史赴宜州貶所是時外舅曾

空青坐釣臺先徙是郡太史留連踰月極其歡

治相子酬倡如江樾書事之類帥游浯溪觀中
興碑太史賦詩書姓名于左外祖急止之曰公
詩文一出即日傳播某方為流人豈可出郊公
又遂徙蔡元長當軸豈可不過為之防耶太史
從之但詩中言亦有文士相追隨蓋為外祖而
設空青即公卷名紆

浯溪圖

太平寺慈氏閣

元注晚與曾公卷同啓

題淡山巖二首

明遠菴

去年三月清明將身回喜太守蒞郡清其玉芝園

作詩十六韻二侯皆有報章今年三月余到玉芝

園記錄一時次其舊韻

三月辛丑同徐靖國到愚溪過羅氏脩竹園入

陽洞蔣彥回陶介石僧崇廣及余子利步及余於

朝陽巖裴回水濱久之有白雲出洞中散漫洞口

咫尺欲不見介石請作五字記之

代書寄翠巖新禪師

詩中雖有早梅開之句不可作時節會也

戲荅歐陽誠發奉議謝余送茶歌

到桂州

荅許覺也惠桂花椰子茶盃二首

覺之名彥先

以椰子茶瓶寄上德孺二首

寄黃龍清老三首

詩中有中秋月之句秋時所作

贈法輪齋公

法輪即南嶽峭峻峯龍雲寺先生有重書法輪

古碑跋云大明本名惠遠思大禪師之孫與虞

世南李百藥岑文本為方外之友三人皆為作

碑銘幸岑中書之文僅存又為不解事僧傳於

石刻剝之後幾不可讀矣而法輪寺住持禪

師景齊來求予判定且乞書而刊之師金陵蔣

山中人嘗入予方外之師晦堂心公之室謂我

為同門蓋嘗參字說於王荆公其人通達辨識

發有所入不能復也故法然為之書法輪寺

自晉至唐正觀中雖所廢復興皆號龍雲寺中

則改號金輪而無文記可尋意武后時所改也

其號法輪則太平興國五年勅書也崇寧三年

二月丙寅脩水黃憲堅書今以歲月附見

此詩元載別集

崇寧四年乙酉

先生是歲在宜州

一月六日與諸人飲餞元明於十八里津

見乙酉家乘又二十六日得元明二月十四日

丁卯書寄詩一 案一篇

三月十五日成都范參來相訪

寥字信中見乙酉家乘

五月初七日癸卯自此嶺南樓范信中同之

見乙酉家乘又先生有題東坡小字兩軸云崇

寧四年五月丙午觀於宜州南樓後談齊先生

楊公萬里嘗作宜州山谷先生祠堂記云予去

崇寧四年十月致書桂林伯侍講張公公乃得報且委

予三宜州太守韓侯鑒皇諒士也初抵官下他

宰未遑首新山谷先生祠堂蓋山谷之來宜州

崇寧甲申山館成之歲樓曰小南門前與年

卒焉後人衣之即其地廟祀之于湖張安國天

書等章先生以湯之然居向漱隘辱庸棄

墮然不也列於華曆躬令侯戾二領瞻

出其闔距城不遠得地泊時湖光前院

開諸峯岷奇駿奔來庭立屋六楹以

木肖象是似是享麻湖為閣于登

空雲煙高寒神則降集人士奮豫

名若記試既以清風名閣矣子學詩山谷者微

子莫宜記之予執書歎曰予聞山谷之始至宜

州也有毗某氏館之太守抵之罪有浮屠某氏

館之又抵之罪有逆旅某氏館之又抵之罪館

於成樓蓋圖之也卒于所館蓋飢寒之也先生

之貶得罪於時宰也亦得罪於太守乎康之肉

人之食君子之殘小人之資也孰使先生之所

挾足以授小人之資也哉夫豈不得罪於太守

也先生得罪於太守則太守不得罪於時宰矣
豈惟不得罪也又將取榮焉由今視之其取榮
亦當時者幾何而先生飢寒窮死之地今乃為
騷人文士佇瞻鑽仰之場來者思而去者懷而
所謂太守者猶有臭焉則君子之於小人患不
得罪爾得罪奚患哉今韓侯之賢乃能社先生
而稷之惜也先生之前乎韓侯也先生之沒侯
猶敬之如此使其生也遇侯而燠休之則主賓
之賢牽聯俱傳也惜也韓侯之後乎先生也然
士或同室而睽或異世而逢苟逢矣前後足校
哉先生之何要自韓侯始則韓之傳決也而
得待

侍講以遺之韓侯云今附丁遷居南樓之後

六月辛巳游龍隱洞

先生有龍水以南帖云別彥明置酒招余及華
陽范信中龍城歐陽佃夫約清旦會于龍隱洞
余三人借馬自南樓來至則彥明及其弟彥昇
在焉云云彥明者臨淮邵華彥昇兄也信中名
寥佃夫名襄余者江西之脩水黃庭堅魯直時
崇寧四年六月辛巳

予去歲在長沙數與處度元實相從把酒自過嶺
來不復有此樂感歎之餘戲成一絕

處度名湛元實名溫此篇元載別集今附是歲

宜陽別元明用觴字韻

元明留別

此篇元載外集

信中遠來相訪且致今歲新茗又枉任道寄佳篇
復次韻呈信中兼簡任道

此篇元載別集

和范信中寓居崇寧遇雨二首

按蜀本詩集注云此詩亦四年夏所作歟

乞鍾乳於曾公卷

按蜀本詩集注云豫章後集有與公卷書云鍾乳何時再成又云嶺南秋暑殊未解此詩蓋秋時所作或遂絕筆於此篇歟

九月三十日先生卒

御筆手詔元佑姦黨詆訕

先帝罪在不赦曩屈臺憲貸與之生斤之遠方
固無還理終身貶所豈不為宜今先烈紹興年

穀豐稔鑄鼎以安廟社作樂以協神民嘉祥荐

臻和氣昭格肆頒赦宥覃及萬方興言邦誣久

責遐裔一夫失所朕尚惻然用示至仁稍從內

徙服我寬德其革爾心應姦黨羈管編配安置

居住在廣南者與移荆湖南北在荆湖者移江

淮其餘並移近裏惟不得至四輔畿內後批崇

寧元年九月十六日送進奏院遍牒行下明年

正月庚戌劉摯而下敘復有差先生在輕第二

等之首並叙復令吏部與監廟差遣而先生皆不及拜命故先生本傳云三年徙永州未聞命而卒紹興初

高宗皇帝中興特贈先生直龍圖閣官子孫各一人二年先祖尚書以給事中召至行在留家藏先祖親筆日記載二月初六日戊辰後殿引對天語甚溫詢先生子孫曲折許它日召至行在及十七日巳卯午刻中使鄭謨傳宣至先祖遂就省中見之

上令問先生諸孫曲折先祖即因謨附口回奏當時特贈實與張耒晁補之秦觀四人同命詞云初後朝奉郎黃庭堅等自熙寧大臣用事變

法始以異同排斥士大夫維我神祖念之不忘元豐之末稍稍收召接于元祐英俊盈朝而爾四人以文采風流爲一時冠學者欣慕之及繼述之論起黨籍之禁行而爾四人每爲罪首則學者以具言爲諱自是以來措紳道喪綱紀日隳馴致宣和之亂言之可爲痛心四朕纂承既後昭洗今爾四人復加褒贈斯足以見朕志矣嗚呼西清之遊書殿之選惟爾曹爲爾使生而得用能盡其才亦何止於是歟舉以追命聊伸齋志之恨亦以少慰天下士大夫之心英爽不七歆此休顯蓋詞臣推廣高廟聖意及之後之子孫伏讀

褒訓衡載

國恩欲報無路何但痛哭流涕而已因輒附諸
篇末

山谷先生年譜卷之三十

豫章先生傳

豫章先生諱庶堅字魯直姓黃氏其先發之余
世祖瞻以策干江南用爲著作佐郎知洪州分寧縣瞻
生玘玘生元吉元吉始卜築脩水上葬兩世於山中遂
占數焉元吉生中理贈光祿卿中理生湜贈朝散大夫
湜生庶嘗攝康州贈中大夫公之皇考也公幼警悟讀
書五行俱下數過輒憶康州奇之既孤從舅尚書李公
公擇學公擇嘗過家塾見其書帙紛錯因亂抽架上書
問之無不通大驚以爲一日千里也治平中兩首鄉薦
遂登四年第調汝州葉縣尉熙寧中詔舉四京學官有
司考其文章優等遂除大名府國子監教授留守大師
文公才之留再任用薦者改著作佐郎先是眉山蘇公

子瞻見公詩於孫公莘老家絕嘆以為世久無此作矣
因以詩往來會蘇公以詩抵罪公亦罰金直姜知吉州
太和縣改授宣德郎太和號難治公以平易近民亦
不忍欺會頒鹽策諸色爭授多數獨公平平耳大吏不
悅而民安之到官年餘移監德州德平鎮公奉佛最謹
過泗州僧伽塔遂作發願文痛戒酒色與肉食但朝粥
午飯如浮法時元豐七年三月也序遷奉議郎
哲宗即位轉承議郎賜五品服乃以祕書省校書郎召
入館未幾除脩

神宗實錄院檢討官集賢校理逾年除祕書省著作佐
郎朝廷數議除美官為言事者所梗不果又遷承議郎
遇郊法任舍其子而官其兄一子實錄書成

官丐回授母夫人李朝廷從之遂君安康郡公事母孝
有曾閔之行安康臥疾彌年公晝夜視顏色手湯劑衣
不解帶時其疾痛痾痒而敬抑搔之至親滌廁滌浣中
裙云遭母喪哀毀過人得疾幾殆既還葬因廬墓側終
喪先是蘇公嘗薦公自代其略曰瑰璋之文妙絕當世
孝友之行追配古人世以為實錄云服除除祕書丞集
賢校理同修國史辭疾乞守太平除宣又改鄂未幾管
句亳州明道宮紹聖初議者言

神宗實錄多誣失實召至陳留問狀三問皆以實對責
授涪州別駕黔州安置命下左右或泣公色自若投床
大斲即日上道君子是以知公不以得喪休戚芥蒂其
中也至黔馬開元寺摩圍閣以登覽文墨自誤若無遷

謫意俄以外兄作本路常平官避嫌移戎州公一不以
介意與後生講學孜孜不怠兩川人士爭從之游經公
指授下筆皆有可觀今上登極復宣德郎監鄂州在城
鹽稅改奉議郎簽書寧國軍節度到宮政朝奉郎知舒
州文召以爲吏部員外郎辭疾不拜上章乞郡得知太
平州到官九日而罷管句洪州玉隆觀寓居江夏公風
韻洒落宵中飯踈初無怨恩談笑諧謔或以忤物蓋嘗
忤趙丞相疋而公不屑也公往嘗作荊州承天院塔記
轉運判官陳舉承風旨採摘其間數語以爲幸災謗國
遂除名編隸宜州雖被橫逆未嘗一語尤之浩然自得
也崇寧四年九月二十日卒于宜州寓居年六十有二
天觀三年十一月歸葬雙井祖塋之西先配系氏

之女封蘭溪縣君後配謝氏師厚之女封介休縣君一
男曰相一女曰睦嫁將仕郎舒城李文伯公學問文章
天然成性落筆妙天下元祐中眉山蘇公號文章伯當
是時公與高郵秦少游宛丘張文潛濟源晁無咎皆游
其門以文相高號四學士一文一詩出人爭傳誦之紙
價爲高而公之文尤絕出高妙追古冠金燭後輝前晚
節位益黜名益高世以配眉山蘇公謂之蘇黃公嘗游
鵞皖樂山谷寺石牛洞之林泉因自號山谷老人天下
皆稱曰山谷而不名字之以配東坡云公楷法妍媚自
城一家游荊州得名本蘭亭愛翫之不去手因悞古人
用筆意作小楷日進曰他日當有知我者草書尤奇偉
公歿後人爭購其字一紙千金云

史贊曰自李杜沒而詩律衰唐末以及五季雖有以比
與自名者然格下氣弱么麼翫散無以議爲也宋興楊
文公始以文章蒞盟然至爲詩專以李義山爲宗以漁
獵掇拾爲博以儷花鬪果爲工號稱崑崙體嫣然華靡
而氣骨不存嘉祐以來歐公稱太白爲絕唱王文公推
少陵爲高作而詩格大變高風之所扇作者間出班班
可述矣元祐間蘇黃並世以碩學宏鼓行士林引筆行
墨追古人而與之俱世謂李杜歌詩高妙而文章不稱
李朝皇甫湜古文典雅而詩獨不傳惟二公不然可謂
兼之矣然世之論文者必宗東坡言詩者必右山谷其
然豈其然乎山谷自黔州以後句法尤高筆勢放縱實
天下之奇作自宋興以來一人而已文獻通考

新增太常寺議謚

朝奉郎新除太常博士陳緯撰夫子曰有德者必有言
蓋言者文也德者實也德稱乎文則文之著乃實之形
也無其實而有其文抑末矣太玄法言子雲之文度越
諸子而卒無以蓋其美新之失河東之文雄深雅健而
比之匪人終身不悔又奚足道哉黃公以文名世人知
其磊磊軒天地者此也不知其真履實踐卓乎不可企
及非吾夫子所謂有德者必有言乎初蘇文忠公見公
詩於孫公覺座上後過李公常於濟南見公詩文以爲
超塵獨立萬物之表由是聲名大振世以蘇黃並稱然
公之學奚止於文哉紫陽朱夫子讀東都事畧惜其好
處不載具稱公爲孝友周文忠公記分寧祠非徒曰瓌

瑋之文妙絕當世而又曰孝友之行追配古人則公之平生凡性分所當盡者真無毫髮遺憾矣濂溪周夫子闡明道學上接孔孟不傳之秘世固鮮有知者雖以德獻趙公亦幾失之眉睫之間而潘公興嗣銘其墓又止以善談明理稱之惟公知其人品甚高光風霽月用一語獨能形容有道者氣象惟賢知賢則其為元祐史官也荆公勿令上知之語陸左丞隱而不書公爭辯甚苦辭氣壯厲至曰為佞史紹聖間群小用事追仇元祐史官詔拘畿縣以報所問衆竦惕失據公隨問隨答弗惕弗隱而謫黔徙戎頓豁萬狀畧無幾微見顏面其為承天塔記也部使者阿順風旨萬千交扇遂有宜州之行人不堪其憂而公處之裕如也見者謂公無愧於東都

黨錮諸賢願寫范孟博一傳公又默誦大書盡卷乃止則胸中浩然不衰者抑亦可想見矣公之所學如此守道守官如此公之處生死禍福如此信乎其為有德之士其可與操觚翰詠聲音警采色者例之乎雖自繼述之論起公在黨籍率為罪首然自紹興以來褒貶有詔一時之屈百世之伸也夫復何憾獨易名之典缺非所以表前哲而風來世謹按謚法曰道德博聞曰文能固所守曰節公之文名愈久愈著如皦日之行天終古不滅非道德博聞不及此公之氣節愈挫愈勁如精金之在冶百煉不磨非能固所守不及此請以文節謚公宜無歎

考功即覆議

奉議郎尚書考功郎兼崇政殿說書趙景偉撰山谷先生太史黃公名配蘇長公當與穹壤相弊既沒幾二百年節惠未立茲非聖世一闕典與屬有請于朝下太常議謚文節移考功覆議議曰夫蕭條澹泊者性分之真而嗜慾深者天機必淺是道蓋出於山谷先生有得焉先生詞章入神出天巧妙無餘可以謂之文矣先生出處夷險一致至死無悔可以謂之節矣抑嘗溯先生心事而得其所以本然者爐香隱几萬慮煙消木落江澄本根獨在其遺物自得雖覆却萬方陳乎前不足入其室故翱翔殿館澹然江湖斥死窮山而頽然物化孝友之行瑰瑋之文非性天之發妙理之寄也所謂御風騎氣獨立萬物之表蘇長公之言於是乎信尋類取稱文儼以節以易先生名太常之議是謹議

山谷祠記

前賢之表薄俗之敦也茲祠是已鼓舞幹旋之機微而人孰與於斯擴而視力各而畜施寧之俗舊矣忠節凜凜仁義藹然寧前後又不僅山谷先生一人風雨晦冥鷄鳴喈喈吾民秉彝之天奚俗之能泯患無揚飛雲之大風破頑陰之雷霆爾按文節謚議先生文墨之瓌偉妙絕姑毋論已如蔽上謏史之斥齟寢自若炎荒幸災之竄幾微不形夫何胸中浩然之不衰又如爐香隱几萬慮俱消木落江澄本根獨在又何頽然之不化於物茲其御風騎氣脫屣埃壙之表回視薄俗真猶鳴雅之嚇鷓鸞燕雀之笑鷓鴣也天下惟風以動之樹此風聲

民何迷之不感俗何澆之不淳茲祠初於寧甯甯甫靖之時主之者

欽差巡撫都憲林公俊贊之者分守分巡王公綸王公純承之者郡守山陰祝侯瀚二守新安江侯昌而始終成之者節推蘇熟虞山陳侯察勒石紀之者州守葉君天爵也林公氣節雄天下二王公亦然祝江陳三侯洎葉君皆江右守佐志操之有稱者則茲祠之立率先生千古一類人物鼓舞幹旋大風雷霆其關係豈小哉弘治癸亥六月始工是冬十二月訖工材撤諸淫祠出諸勸助有租入以求其繼有裔孫以守其祀州義士王庭蕙陳潛查仲春協力周旋其事云

弘治十八年乙丑秋九月中旬

賜進士出身嘉議大夫吏部左侍郎兼翰林院學士掌

詹事府知

制誥前

經筵日講官

會典副總後學南昌張元禎撰

山谷黃先生別傳

寧後學周季鳳著

山谷黃先生宋洪州分寧縣高城鄉雙井人也六世祖
瞻世家金華以策干江南李氏用為著作佐郎知分寧
縣念山川幽邃可以避世無如分寧遂家焉瞻生玘玘
生元吉元吉生中理嘗築書館於櫻桃芝臺洞兩館近
學士常溢百人故黃氏諸子多以文學知名稱江南望
族中理生湜湜生庶並舉進士庶有詩名句律奇崛世
謂山魃水怪著薛荔之體嘗攝康州實生先生先生諱
庭堅字魯直幼穎悟過人讀書五行俱下數過輒成誦
康州奇之七歲能詩舅李公擇見其架上書紛亂抽取
試之無不通者驚曰一日千里治平三年鄉試出野無

遺賢題先生詩有渭水空藏月傳巖深鎖煙之句考官
李詢擊節稱賞知其當以詩名四海遂登四年進士主
簿餘干政暇講論禮樂賦詠詩歌民俗丕變調葉縣尉
作新寨詩半山老人稱為清才非奔走俗吏熙寧初舉
四京學官第文優教授北京國子監留守文潞公才之
留再任東坡嘗見其詩文以為超軼絕塵獨立萬物之
表與造化者遊名遂震知太和縣以平易為治時課頌
益筭諸縣爭占多數泰和獨否蒐獮匿賦詢求民瘼雖
山溪窮僻處縣令所未嘗至必身親之或遠且不寐邑
多強族不忍齊之以法民亦不忍欺雅喜山水之勝日
為文字之樂移監德州德平鎮趙挺之倅德州挺之希
合提舉官意欲行市易法先生以鎮小民貧不堪誅求

若行市易必致呈散遷奉議郎哲宗立召為校書郎神
宗實錄檢討官禮部侍郎陸佃預修實錄先生欲書安
石勿令上知之帖佃力沮止之而以為謗也先生爭辯
甚苦至曰審如公言得非佞史乎佃蓋安石門人且為
官長以是竟不得書先生以此肇禍然賴其言事之本
末因以盡傳於世朱子以為有天意者邪踰年遷著作
佐即加集賢校理實錄成擢起居舍人丁母憂先生性
篤孝母病彌年晝夜視顏色衣不解帶及亡廬墓下哀
毀得疾幾殆服除為秘書丞提點明道宮兼國史編修
官又與趙挺之有微隙銜之切骨紹聖初出知宣州改
鄂州章惇蔡卞與其黨論實錄多誣俾前史官分居畿
邑以待問摘千餘條示之謂為無驗證既而院吏考閱

悉有據依所餘才三十二事先生書用鐵龍爪治河有
同兒戲至是首問焉對曰庭堅時官比都嘗親見之真
兒戲耳凡有問皆直辭以對聞者壯之知非儒生文士
而已也貶涪州別駕黔州安置命下左右或泣先生頽
色自若投床大歔即日上道至黔寓開元寺摩尼閣以
登覽文墨自娛言者猶以處善地爲能法以外親張向
嫌遂移我州泊然不以遷謫介意蜀士慕從之游講學
不倦凡經指授下筆皆可觀徽宗即位起監鄂州稅簽
書寧國軍判官知舒州以吏部員外郎召皆辭不行丐
郡得知泰平州至之九日罷主管玉龍觀自涪歸道出
江陵作承天院塔記其畧云儒者嘗論一佛寺之費蓋
中民萬家之產實生民穀帛之蠹雖余亦謂之然然自

省事以來觀天下財力屈竭之端國家無大軍旅勤民
丁賦之政則蝗旱水溢或疾疫連數十州此蓋生人之
共業盈虛有數非人力所能勝者文成府帥馬城飯諸
部使者於塔下環觀先生書碑尾但書作記者黃某立
石者馬某而已時閩人陳舉自臺出漕先生未嘗與交
也舉與李植林虞相顧前請曰某等願托名不朽先生
不荅舉由此憾之知先生與挺之有怨挺之執政遂以
墨本上之誣以幸災謗國其文初無幸謗之意遂除名
羈管宜州携家南貶泊于零陵獨赴貶所有昨某氏館
之太守望執政風抵之罪有浮屠某氏館之又抵之罪
有逆旅某氏館之又抵之罪遂館于成樓曰小南門者
蓋固而欲饑寒之也居三年上雨旁風人不堪其憂先

生終日讀書賦詩舉酒浩歌自言家本農桑使不從進士則田中廬舍如是又可不堪其憂者乎聞者敬嘆崇寧四年九月三十日忽以疾不起子弟無一人在側先是徙永州未聞命而卒初謫宜州與零陵蔣滯相友善士大夫畏禍不敢往還獨滯日陪杖履疾革滯往見之大喜握手曰身後事委君矣及卒滯爲棺送歸塋雙井祖塋之西紹興間贈龍圖閣學士加太師謚曰文節先生蚤歲受知東坡與張耒晁補之秦觀並游其門天下稱蘇門四學士而先生詩文尤俊偉邈然有二漢之風非三子者比世以配蘇故稱蘇黃嘗愛瀟皖山谷寺林泉之勝因自號山谷道人居涪號涪翁在宜號八桂老人然世上稱山谷又以配東坡二公碩學雄才鼓行士

林世謂李杜詩歌高妙而文章不稱李翱皇甫湜古文典雅而詩獨不傳二公可謂兼之然先生自黔以後句法尤高筆勢放縱實天下之奇作史稱宋興以來一人而已陳師道謂其詩得法杜甫學甫而不爲者洪炎亦序其詩發源以治心脩性爲宗本放而至於遠聲色薄軒冕極其致憂國愛民忠義之氣藹然見於筆墨之外凡句法置字律令新新不窮愈出愈奇所謂包曹劉之波瀾兼陶謝之字量可使子美分座太白却行非若察察然如新安石壕潼關花門秦中吟樂遊園紫關材之什幾於罵者可比其著述雖先莊子而後語孟晚年則以合於周孔者爲內集不合周孔者爲外集說經雖尊荆公而遺程子至論人物則謂周茂叔人品最高程伯

淳平生所欣慕爐香隱几萬慮俱銷有孟氏養心之學
木落江澄本根獨在有顏子克復之功其造詣精深有
如此者坡爲侍從舉以自代不徒曰瑰瑋之文妙絕當
世而又曰孝友之行追配古人朱子讀東都事畧亦稱
黃公好處不盡載而惜史氏之闕畧其性分所當盡而
無毫髮遺憾者如此蘇程學術不同其徒互相攻詆先
生獨超然其間無一語黨同荆公欲挽俞清老削髮半
山先生亦屢諫不容且識列子爲有禪語而謂普通中
事本不從葱嶺來其天資高明不緇不磷者如此史禍
之作衆例竦惕先生隨問隨答弗惕弗隱而謫黔徙戍
頓豁萬狀畧無幾微見顏面宜州之行人不堪其憂而
公處之裕如見者謂無愧於東都黨錮諸賢願寫范孟
一傳先生又默誦大書盡卷乃止其胸中浩然不束者
如此視韓愈柳宗元有間焉謚曰文節誰不其然或者
以好交僧人豈知其流落無聊消遣世慮之爲哉及稱
翰墨盛美一紙千金者亦末矣

贊曰愷愷黃公古之君子德行純全匪由襲取文軌
秦漢詩兼杜李汪洋澄深直闖闕里爐香隱几靈臺
空明養心之學軻也弟兄澄江落木以天勝人克復
之效庶乎歸仁程洛蘇蜀黨分互攻超然物表不爲
雷同春陵大儒潘趙猶憎光風霽月一語形容清老
之規訐訐侃侃半山執迷流而不返神宗實錄詞嚴
義正晉之董狐唐之吳兢勿令上知欺君曰荆耻爲
佞史叱彼門生爰及紹聖國是不恤禍構群小顧謂

不實坳甸根理衆竦失據隨問隨答從容與語龍爪
治河兒戲匪聞直詞正氣勇奪三軍文致其罪以成
因諸三徙窮荒處之裕如御風騎氣浩然不死堂堂
大節凜凜千古

重刊涪翁文集跋

事有曠百世而相感者今古皆然涪翁文集世不多傳
予嘗并其年譜及其父伐檀集因亡友潘南屏時用抄之
內閣以付前守葉君天爵梓行間以憂去板本皆散逸
可恨也復抄之挾以遊四方者垂二十年非其人未輕
授今

巡按江西秀史西蜀徐公行吾守喬君補之因授焉又
嘗考涪翁號山谷世以配東坡徐公文移不曰山谷而

曰涪翁者山谷唐世蠻獠黃氏洞名翁黃姓也不宜襲
用稱涪翁亦足以配東坡此宋儒黃慈谿之言徐公精
考而發之有自哉况公風節震一時實與涪翁千載一
類人物喬君新政卓卓於此奉行尤謹誰謂曠百世而
相感者不其然邪寧川病叟周季鳳跋

二、黃先生全集後

先生為吾分宜先哲為宋室高才為

西江詩祖其孝友殊為其氣節特異

其造詣精深其文章瑰瑋其在當時也

雖其姓氏字之出入多傳誦惜乎由宋逮

今滿世既遠其詩文集刻之流希于海
內者零落散逸漫不及見已也雖有艷
間有刊刻者祇初翰之餘先生遺文
雖盛邦傳故人徒以不及見全書為恨是
誦之全乃吾姻亞邠東軒周以與其伯兄都

憲南山公昔宦游于朝于浙于蜀博求
諸篇薦紳士友之家傳寫之群書故讀

中章積以年累歷十數載僅全此書珍
歲以歸謀刻諸前守秘源葉君天爵
重成適乙丑葉君真發去中更數守屬

時多事向未訖工自己及至今在苒廿餘載
而版之臺蟲蝕將半歲為朽木矣惟時大
巡西蜀徐公按吾江右雅重名教荐檄
州郡舉於先哲文獻是徵而吾守湖南
天為君遷適至欣然沒事采心規畫遂
命庠士王朝宗查應元輩復求舊本
重加校訂越數月始克告成向人喜獲

親全書宗亦幸道生也晚為先生鄉
人平生嚮慕惟先生之中心即孝義
顧學之末能自怡以後道有未朽也

修是懼至於先生詩文徒能誦讀之
而已未暇蒐輯通者書成私竊慶幸
乃以奉君之命敬識如語于後以記歲
月且見是書求之核之刻之自皆諸公
力也實有不吝浪者先生詩文昔人

評之者多笑曰吾所謂金書者大也

徐公述之尤詳無容論已獨念先生

風行詔御車轉一肘炳耀千古觀其

尖荒之竄新寢自若幾微不形僞史

之升言論侃如爭辨無已雖顛顛萬

伏思不以休戚得喪芥蒂于懷其
胸中浩然之氣至死不衰晚節位與
點名益高故吾晦庵子朱子稱其不
以夷險貳其節操謂先生之向上在此
此尤孝後人即當景仰師法之者後請

與文馬已哉吾因重衣之以自勗向更
以日勗吾鄉之晚生後出者時

嘉靖丁亥仲春望後

分寧後與子查仲道拜書

心界不... 休... 故... 鐘... 廣... 泰... 壽... 平...



國... 文... 保... 心... 願... 後... 亂... 中... 本... 家... 國... 新... 華...



高... 德... 的... 在... 此... 地... 所... 以... 名... 為... 聖... 賢... 之... 地...

高... 德... 的... 在... 此... 地... 所... 以... 名... 為... 聖... 賢... 之... 地...



